

**Elmedin Karišik i dr. (18 osoba - 12 fizičkih i 6 pravih osoba) - policijske akcije "Plaza" i "Square"**

Optužnica podignuta 24. decembra 2025.

*Uvod*

Optužnica je podignuta protiv 18 osoba koje se terete da su u periodu od 2017. do sredine 2024. godine, radi sticanja nezakonite imovinske koristi, velike iznose novca za koji su znali da potiče iz neovlaštenog međunarodnog prometa opojne droge - "Kokain" u velikim količinama, a koji ima obilježja krivičnog djela organiziranog kriminala, stavljali u zakonite novčane tokove skrivanjem stvarnog porijekla. Optužnicom je obuhvaćen i sarajevski advokat Bojan Veselinović.

*Ime(na) optuženog/optuženih*

1. Elmedin Karišik\*, rođen 1990. godine u Sarajevu, državljanin BiH,
2. Seid Hadžibajrić\*, rođen 1994. godine u Sarajevu, državljanin BiH,
3. Mehmed Dedić\*, rođen 1990. godine u Sarajevu, državljanin BiH,
4. Emir Karišik\*, zv. „Eka“, rođen 1982. godine u Sarajevu, državljanin BiH,
5. Edin Brbutović\*, rođen 1985. godine u Sarajevu, državljanin BiH,
6. Bojan Veselinović\*, zv. „Boki“, rođen 1981. godine u Sarajevu, advokat iz Sarajeva, državljanin BiH,
7. Edina Karišik\*, rođena 1985. godine u Sarajevu, državljanica BiH,
8. Emina Rogo\*, rođena 1992. godine u Foči, državljanica BiH,
9. Muris Bešlagić\*, rođen 1977. godine u Zenici, državljanin BiH,
10. Ognjen Orašanin\*, zv. „Ogi“ i „Oras“, rođen 1978. godine u Sokocu, državljanin BiH,
11. Adis Đonko\*, rođen 1971. godine u Mostaru, državljanin BiH i Velike Britanije,
12. Selma Maglić\*, rođena 1990. godine u Sarajevu, državljanica BiH,
13. Pravna osoba „PLAZA GROUP“ d.o.o. Sarajevo\*
14. Pravna osoba „ARIJANS“ d.o.o. Sarajevo\*
15. Pravna osoba „PARKING TIM“ d.o.o. Sarajevo -Vogošća\*
16. Pravna osoba „EUROPARK“ d.o.o. Sarajevo-Vogošća\*
17. Pravna osoba „ŠEMRANI“ d.o.o. Sarajevo\*
18. Pravna osoba „BRAND VISION“ d.o.o. Sarajevo\*

*Optužnica*

U optužnici se navodi da su optuženi koristili kriptovane telefone i aplikaciju SkyEcc, rukovodili grupom za organizovani kriminal, odnosno pristupili istoj, u međusobnom dogovoru sa organizatorom i po nalozima optuženog koji je rukovodio djelovanjem grupe na području Bosne i Hercegovine postupali prema utvrđenim ulogama i zadacima, te su novac pribavljen počinjenjem krivičnog djela neovlaštenog prometa opojne droge "Kokain" sa područja Južne Amerike na teritoriju Evrope koristili u privrednom ili drugom poslovanju i raspolagali istim na način da su nezakonito stečeni novac ubacivali u legalne novčane tokove kupovinom pokretnih i nepokretnih stvari, te koristili za izgradnju nekretnina, kupovinu i tzv. "rudarenje" kriptovaluta, nabavku zaštitnih maski koje su prodavali tokom epidemije Corona virusa, skupocjenih automobila i satova.

---

**„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“**

## **INFORMACIJA - PREDMETI SKY I ANOM S POTVRĐENIM OPTUŽNICAMA**

---

Novac u ukupnom iznosu, većem od 6.000.000 KM je u više navrata prebacivan preko granice na teritoriju Bosne i Hercegovine skriven u vozilima i na druge načine, nakon čega je putem aktivnosti koje su realizovali optuženi stavljan u redovne tokove novca. Optužnicom se traži i povrat nezakonite imovinske koristi pribavljene krivičnim djelom, a koja uključuje više nekretnina, vozila, predmeta velike vrijednosti kao i kriptovaluta.

### *Krivična djela za koja su optuženi*

Organizirani kriminal (član 250. KZ-a BiH) i pranje novca (član 209. KZ-a BiH).

### *Istraga*

Tužilaštvo će dokazivati optužbe saslušanjem 171 svjedoka i 8 vještaka/stručnih osoba, kao i ulaganjem preko 1500 dokaza.

### *Sudski postupak*

Optužnica potvrđena: 26. marta 2026.

---

*„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“*